

নং-বিবিসি/এনরোল/২০২২/৯২৭

তারিখঃ ২৪-০৩-২০২২ইং

এনরোলমেন্ট (MCQ) অনলাইন-ফরম-পূরণ বিজ্ঞপ্তি

২৭-০৩-২০২২ইং তারিখ বেলা ১২ঃ০০ ঘটিকা হইতে ২৭-০৪-২০২২ইং তারিখ রাত ১১ঃ৫৯ পর্যন্ত অনলাইনে
(<http://bar.teletalk.com.bd>) বার কাউন্সিল অ্যাডভোকেট তালিকাভুক্তির নৈর্ব্যক্তিক (MCQ) পরীক্ষার ফরম পূরণ চলিবে

এতদ্বারা সংশ্লিষ্ট সকলের অবগতির জন্য জানানো যাইতেছে যে, বাংলাদেশ বার কাউন্সিলের অ্যাডভোকেট তালিকাভুক্তির আসন্ন MCQ পরীক্ষার অনলাইন ফরম পূরণ আগামী ২৭-০৩-২০২২ইং তারিখ বেলা ১২ঃ০০ ঘটিকা হইতে ২৭-০৪-২০২২ইং তারিখ রাত ১১ঃ৫৯ পর্যন্ত অনলাইনে (<http://bar.teletalk.com.bd>) চলিবে। বাংলাদেশ লিগ্যাল প্র্যাক্টিশনার্স এন্ড বার কাউন্সিল অর্ডার এন্ড রুল্‌স্‌, ১৯৭২-এর ২৭নং অনুচ্ছেদ অনুযায়ী যোগ্য ব্যক্তিগণ যাহাদের ৬ মাসের শিক্ষানবিশ-কাল ইতোমধ্যে পূর্ণ হইয়াছে অথবা ২৭-০৪-২০২২ইং তারিখে পূর্ণ হইবে তাহারা এবং বিধি নং-৬০(১) এর দ্বিতীয় শর্ত মোতাবেক যোগ্য অগ্রহী প্রার্থীগণ আগামী ২৭-০৪-২০২২ইং তারিখের মধ্যে অনলাইনে ফরম পূরণ করিতে পারিবে। উক্ত তারিখের পর অনলাইন ফরম পূরণ অ্যাপ্লিকেশন প্রোগ্রাম বন্ধ হইয়া যাইবে এবং ফরম পূরণের আর কোনো সুযোগ থাকিবে না।

পরীক্ষায় অংশগ্রহণের উপযুক্ত প্রার্থীগণকে তাহাদের নিজ নিজ বার-কাউন্সিল-রেজিস্ট্রেশন-নম্বর ও সন এন্ট্রি করিয়া অনলাইন অ্যাপ্লিকেশন প্রোগ্রামে ফরম পূরণ প্রক্রিয়া শুরু করিতে হইবে। যে সকল প্রার্থীর নিকট বার কাউন্সিল কর্তৃক ইস্যুকৃত বৈধ (Valid) রেজিস্ট্রেশন কার্ড রহিয়াছে এবং ২৭-০৪-২০২২ইং তারিখে বিধি মোতাবেক ৬ মাসের পিউপিলেজ সম্পন্ন হইতেছে কেবলমাত্র তাহারা অনলাইন ডাটাবেইজে নিজ নিজ ফরম পূরণ প্রক্রিয়া শুরু এবং সম্পন্ন করিতে পারিবেন। ২৭-০৪-২০২২ইং তারিখে বিধি মোতাবেক পিউপিলেজ অসম্পূর্ণ থাকা অথবা উক্ত তারিখে রেজিস্ট্রেশনের মেয়াদ (বৈধতা) অতিক্রান্ত হওয়া প্রার্থীগণের তথ্য অনলাইন অ্যাপ্লিকেশন প্রোগ্রামে অন্তর্ভুক্ত থাকিবে না। ২৭-০৪-২০২২ইং তারিখে মেয়াদোত্তীর্ণ রেজিস্ট্রেশনধারী প্রার্থীগণকে বিধিমালা সাপেক্ষে রি-রেজিস্ট্রেশন করিয়া লইতে হইবে এবং উক্তরূপ প্রার্থীগণকে সত্ত্বর বার কাউন্সিলের রেজিস্ট্রেশন শাখায় যোগাযোগের জন্য বলা হইল।

পরীক্ষার ফরম পূরণে ইচ্ছুক প্রত্যেক প্রার্থীকে নিজস্ব একটি সচল মোবাইল নম্বর ব্যবহার করিয়া ফরম পূরণের যাবতীয় কার্যাবলী সম্পন্ন করিতে হইবে। উক্ত নির্দিষ্ট নম্বরটি সম্পূর্ণ এনরোলমেন্ট প্রক্রিয়াকালে সচল রাখিতে হইবে। উক্ত নম্বরে ফরম পূরণ, পরীক্ষার ফি জমা হওয়া প্রভৃতি বিষয়ে সময়ে সময়ে এসএমএস দেওয়া হইবে। উল্লেখ্য, একটি নির্দিষ্ট টেলিটক নম্বর [১৬২২২ এবং ০১৫৫০১৫৫৫৫৫] হইতে পেমেন্ট নিশ্চিতকরণ বার্তা, ইউজার আইডি, পাসওয়ার্ড প্রভৃতি তথ্য পরীক্ষার্থীদের স্ব স্ব মোবাইল নম্বরে প্রেরণ করা হইবে।

২৭-০৪-২০২২ইং তারিখে বার কাউন্সিল রেজিস্ট্রেশনের মেয়াদ বহাল থাকিবে এইরূপ যেসকল প্রার্থী ইতোপূর্বে কোনো এনরোলমেন্ট এমসিকিউ পরীক্ষায় অংশগ্রহণ করেন নাই সেই সকল প্রার্থী এবং যাহাদের রেজিস্ট্রেশন ২৭-০৪-২০২২ইং তারিখে মেয়াদোত্তীর্ণ হওয়ায় নতুন করে রি-রেজিস্ট্রেশন করিবেন- এই দুই ধরনের প্রার্থী নিয়মিত প্রার্থী (Regular Candidate) হিসাবে অনলাইন ফরম পূরণ করিবেন। পক্ষান্তরে, যেই সকল প্রার্থী ইতোপূর্বে এক বা একাধিকবার এনরোলমেন্ট পরীক্ষায় অংশগ্রহণ করিয়াছেন ও যাহাদের রেজিস্ট্রেশনের মেয়াদ আগামী ২৭-০৪-২০২২ইং তারিখে বলবৎ থাকিবে কেবলমাত্র সেই সকল প্রার্থী রি-অ্যাপিয়ার প্রার্থী (Re-appear Candidate) হিসাবে অনলাইন ফরম পূরণ করিবেন। পূর্ববর্তী বর্ষের পেভিং তালিকায় থাকা যোগ্য যেসব প্রার্থী আসন্ন এম.সি.কিউ. পরীক্ষায় অংশগ্রহণ করিতে ইচ্ছুক তাহাদেরকে এই নোটিশে বর্ণিত শর্তাবলীনে অনলাইন প্রক্রিয়ায় ফরম পূরণ ও ফি প্রদান করিতে বলা হইল।

বৈধ (Valid) রেজিস্ট্রেশন নম্বরধারী নিয়মিত পরীক্ষার্থীগণ (Regular Candidate) অনলাইন ফরম পূরণের শেষ ধাপে পরীক্ষার ফি বাবদ সর্বমোট ৪,০২০/- টাকা যে কোনো একটি টেলিটক প্রি-পেইড নম্বর হইতে জমা করিবেন। বৈধ রেজিস্ট্রেশন নম্বরধারী রি-অ্যাপিয়ার পরীক্ষার্থীগণ (Re-appear Candidate) পরীক্ষার ফি বাবদ অনলাইন ফরম পূরণের শেষ ধাপে সর্বমোট ১,৬৩০/- টাকা যে কোনো একটি টেলিটক প্রি-পেইড নম্বর হইতে জমা করিবেন।

বার কাউন্সিল সংশোধিত বিধি ৬০এ অনুযায়ী বিগত সময়ে যে সকল প্রার্থী এডভোকেট তালিকাভুক্তি নৈর্ব্যক্তিক (MCQ) পরীক্ষায় উত্তীর্ণ হইয়া তৎপরবর্তীতে পর পর অনুষ্ঠিত ২টি লিখিত পরীক্ষায় অনুত্তীর্ণ হইয়াছেন বা অংশগ্রহণ করিতে ব্যর্থ হইয়াছেন তাহাদেরকে পুনরায় এডভোকেট তালিকা ভুক্তির নৈর্ব্যক্তিক (MCQ) পরীক্ষায় অংশগ্রহণ করিতে হইবে। যে সকল প্রার্থী লিখিত পরীক্ষায় উত্তীর্ণ হইবার পর বিধি নং ৬০বি এর শর্ত মোতাবেক পর পর তিন বার অনুষ্ঠিত মৌখিক পরীক্ষায় অনুত্তীর্ণ বা অংশগ্রহণ করিতে ব্যর্থ হইয়াছেন তাহাদেরকেও এডভোকেট তালিকাভুক্তির নৈর্ব্যক্তিক (MCQ) পরীক্ষায় অংশ গ্রহণ করিতে হইবে। [পরীক্ষা-বিধি সংক্রান্ত আরও বিস্তারিত জানিতে প্রার্থীগণ “বার কাউন্সিল রুল্‌স্‌ বই” অনুসরণ করিতে পারেন।]

জ্ঞাতব্যঃ

- (১) কোন পরীক্ষার্থীর শিক্ষাগত যোগ্যতা নির্দেশক সার্টিফিকেটসমূহে নিজ নামে বা পিতার নামে গরমিল/অসঙ্গতি থাকিলে তাহার আবেদন গ্রহণযোগ্য হইবে না।
- (২) অনলাইন ফরম পূরণ প্রক্রিয়ায় প্রার্থীগণকে নিজ নিজ অর্জিত সকল শিক্ষাগত যোগ্যতা/ডিগ্রী'র ফলাফলসমূহ [এসএসসি/সমমান হইতে শুরু করিয়া এলএলবি/বার-এট-ল'সহ সর্বশেষ অর্জিত শিক্ষাগত ডিগ্রী পর্যন্ত ১ম/২য়/৩য় বিভাগ/শ্রেণী/সিঁজিপিএ/গ্রেড- যেখানে যাহা প্রযোজ্য] সংশ্লিষ্ট সনদ/নম্বরপত্র/গ্রেড শীট অনুযায়ী সতর্কতার সহিত অনলাইন অ্যাপ্লিকেশন ফরমের নির্ধারিত ফিল্ডে সঠিক ও নির্ভুলভাবে উল্লেখ/এন্ট্রি করিতে হইবে। ডিগ্রী অর্জনের সনসহ ফলাফল উল্লেখ কোনো প্রকার ভুলত্রুটি গ্রহণযোগ্য হইবে না এবং তদুপক্ষেই আবেদন বাতিল হইবে।
- (৩) শিক্ষা মন্ত্রণালয়/বিশ্ববিদ্যালয় মঞ্জুরী কমিশন কর্তৃক স্বীকৃতি প্রাপ্ত নয় এমন বিশ্ববিদ্যালয়ের সার্টিফিকেটধারীদের প্রার্থীতা বাতিল করা হইবে। (বার কাউন্সিল/এনরোলমেন্ট কমিটি/বিশ্ববিদ্যালয় মঞ্জুরী কমিশন/আদালত কর্তৃক নিষিদ্ধ কোন বিশ্ববিদ্যালয়ের সনদধারী প্রার্থীরা এবং বিধি মোতাবেক পরীক্ষায় অংশগ্রহণের অযোগ্য প্রার্থীরা এবং অসত্য/জাল/অসংঙ্গতিপূর্ণ তথ্য/কাগজপত্র জমাদানকারী প্রার্থীরা আসন্ন এনরোলমেন্ট পরীক্ষায় অংশগ্রহণ করিতে পারিবে না। এবং ঐ ধরনের কোন প্রার্থী/প্রার্থীরা পরীক্ষায় অংশগ্রহণের সুযোগ কোন ক্রমে পাইলেও এবং পরীক্ষায় উত্তীর্ণ হইলেও তাহাদের পরীক্ষার ফলাফল পরবর্তীতে নিরীক্ষান্তে বাতিল ঘোষণা করা হইবে।)



বিশেষভাবে উল্লেখ্য, এই অনলাইন ফরম পূরণ প্রক্রিয়ায় প্রত্যেক প্রার্থীকে তাহাদের নিজ নিজ শিক্ষাগত, শিক্ষানবিশ সংক্রান্ত, ক্ষেত্রমতে ইকুইভ্যালেন্সি সংক্রান্ত এবং এনরোলমেন্ট-পরীক্ষা-বিধি মোতাবেক এফিডেভিটে উল্লিখিত সকল শর্তাদিসহ পরীক্ষায় অংশগ্রহণের যোগ্যতা নির্দেশক যাবতীয় বিষয়ে একটি ভার্স্যুয়াল ডিক্লারেশন আবশ্যিকভাবে প্রদান করিতে হইবে যাহা প্রথাগত হার্ড-কপি ফরম্যাটের নথিসমূহের অনুরূপ কাজ করিবে। এনরোলমেন্ট এম.সি.কিউ ও তৎপরবর্তী লিখিত পরীক্ষায় উত্তীর্ণ হইলে সংশ্লিষ্ট প্রার্থীগণকে অনলাইন ফরম পূরণের সময় প্রদেয় সকল প্রকার তথ্যের সমর্থনে শিক্ষাগত সকল সনদ ও নম্বরপত্র, পাসপোর্ট সাইজ ছবি (অনলাইন আবেদনে আপলোডকৃত অনুরূপ ছবি), প্রযোজ্যক্ষেত্রে ইকুইভ্যালেন্সি সনদ এবং বার কাউন্সিল প্রদত্ত রেজিস্ট্রেশন কার্ড প্রভৃতি নথির সত্যায়িত অনুলিপি, শিক্ষানবিশ সংক্রান্ত জি-ফরম, কেইস লিস্ট এবং এফিডেভিটসহ বিধি মোতাবেক যাবতীয় কাগজাদির হার্ডকপি বার কাউন্সিল অফিসে দাখিল করিতে হইবে। অনলাইন ফরম পূরণে প্রদেয় তথ্যাদি এবং লিখিত পরীক্ষায় উত্তীর্ণ হইলে দাখিলকৃত সনদ, মার্ক শীট, জি-ফরম, এফিডেভিট প্রভৃতি নথির তথ্যাদির মধ্যে কোনো প্রকার গরমিল গ্রহণযোগ্য হইবে না। যদি কোনো প্রার্থী অনলাইন ফরম পূরণে কিংবা হার্ড-কপি ফরম্যাটের সনদ/নথিতে কোনো প্রকার ভুল/অসত্য/অসংগতিপূর্ণ/মিথ্যা তথ্য প্রদান করেন তাহা হইলে এনরোলমেন্ট প্রক্রিয়ার যে কোনো পর্যায়ে সংশ্লিষ্ট পরীক্ষার্থীর প্রার্থীতা বাতিল করা হইবে এবং ক্ষেত্রমতে মিথ্যা তথ্য প্রদানের জন্য বিধি মোতাবেক বার কাউন্সিলের পরবর্তী পরীক্ষাসমূহে অংশগ্রহণ নিষিদ্ধকরণসহ আইনগত পদক্ষেপ নেওয়া হইবে।

অনলাইন আবেদন পূরণের জন্য প্রার্থীগণকে নিম্নলিখিত ওয়েব সাইট ব্যবহার করিতে হইবেঃ
www.barcouncil.gov.bd or <http://bar.teletalk.com.bd>

সফলভাবে অনলাইনে দরখাস্ত দাখিল করার পর পূর্বে বর্ণিত পরিমাণ অর্থ পরীক্ষায় অংশগ্রহণের ফি বাবদ প্রার্থীগণ যে কোনো একটি টেলিটক প্রি-পেইড মোবাইল হইতে প্রদান করিবেন। পরীক্ষার ফি প্রদানের পরই দরখাস্ত চূড়ান্তভাবে দাখিল হইয়াছে মর্মে নিশ্চিত হওয়া যাইবে। ফি প্রদানের পদ্ধতি নিম্নে উল্লেখ্য করা হইলঃ

প্রার্থীগণকে একটি টেলিটক প্রি-পেইড মোবাইল নম্বর হইতে ২টি এসএমএস প্রেরণ করিতে হইবে। এসএমএস ফরম্যাট নিম্নরূপঃ

1st SMS:

BAR<space>USER ID and send to 16222

Reply: Applicants Name, Candidate's Type and PIN

2nd SMS:

BAR<space>YES<space>PIN and send to 16222

Reply: Congratulations, Confirmation of payment with USER ID & PASSWORD

N.B: Please preserve the USER ID and PASSWORD carefully for future use.

এসএমএস ২টি প্রেরণের পর পূর্বোল্লিখিত নির্দিষ্ট টেলিটক নম্বর [১৬২২২ এবং ০১৫৫০১৫৫৫৫৫৫] হইতে প্রাপ্ত ইউজার আইডি এবং পাসওয়ার্ড সতর্কতার সহিত সংরক্ষণ করিতে হইবে। পরবর্তীতে অ্যাডমিট কার্ড, অ্যাপ্লিক্যান্ট কপি প্রভৃতি সংগ্রহের জন্য উক্ত ইউজার আইডি এবং পাসওয়ার্ড প্রয়োজন হইবে। প্রার্থীগণের নিজ নিজ ডিজিটাল পাসপোর্ট সাইজ রঙিন ছবি ও স্ক্যানকৃত স্বাক্ষর আপলোড প্রক্রিয়াসহ অনলাইন ফরম পূরণের বিস্তারিত নির্দেশিকা পৃথকভাবে বার কাউন্সিলের ওয়েব সাইটে (www.barcouncil.gov.bd) প্রকাশ করা হইবে।

অনলাইনে ফরম পূরণের সর্বশেষ তারিখঃ ২৭-০৪-২০২২ইং রাত ১১:৫৯ মিনিট।

অনলাইনে অ্যাডমিট কার্ড সংগ্রহের সময়সূচী এবং পরীক্ষার তারিখ, ভেন্যু ও সময় পরবর্তীতে যথাসময়ে জানানো হইবে।

পরীক্ষার সংক্রান্ত সকল বিজ্ঞপ্তি বার কাউন্সিলের অফিসিয়াল ওয়েব সাইটে (www.barcouncil.gov.bd) প্রকাশ করা হইবে।

আদেশক্রমে,



(মোঃ রফিকুল ইসলাম) ২৪/৩/২০২২

সচিব

(সিনিয়র জেলা ও দায়রা জজ)

বাংলাদেশ বার কাউন্সিল।

নং-বিবিসি/এনরোল-২০২২/৯২৮(৮৩), তারিখ: ২৪-০৩-২০২২ইং

সদয় অবগিত ও নোটিশ বোর্ডে আঁটিয়া দিয়া প্রচারের অনুরোধসহ অনুলিপি সম্পাদক,
আইনজীবী সমিতির বরাবরে প্রেরণ করা হইল।




(মোঃ রফিকুল ইসলাম) ২৪-০৩-২২

সহকারী পরীক্ষা নিয়ন্ত্রক
বাংলাদেশ বার কাউন্সিল